

北禪詩草

三

番外書冊

			二六二九一	和書門
		七四	號	
六册	一架	函	類	

庫	文	閣	內	
二〇五		二六二九一		和書
函		六册	號	
二二		架	類	

詩集文集

內閣文庫	
番號	和 26291
冊數	6 (3)
函號	205 206



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



北禪詩草卷之三

淡海竺顯常大典撰

初度日有懷往事遙寄聞中上人

老去合須安一枝誰圖官迹在天涯悠悠著處唯雲
月不假人間甲子推

其二

親朋屈指幾喪亡底事殘身得恁長多見為新松柏
盡却容蒲柳弄年光

其三

五十六在京年憶爾風流供壽筵儻得歸來尚無

恙還須置我采芝邊

初度日諸禪見賀以詩卒酬之

海風侵戶牖五月尚披裘初度慚徒老新詩用等酬
清談方外趣薄具客中遊努力羈栖日瓜期已一周

詣金毘羅祠

遙程仰神助是日賽靈祠側陋還如在昭明那有遺
龕燈籠夕日壇樹動涼颼翻向盤陀上杳然滄水涯

晚晴

梅天三十日二十雨中過遶屋聲堪厭侵窓濕奈多
快風開黯黯疊嶂露嵯峨猶見檐前雀飛來浴小渦

季夏偶作

六月十五日例八幡祠頭作頗為
盛會藩主見要余辭不赴因偶言及

旅情官事兩相忘曉夕袈裟坐一堂看有青山來隱

儿忽令明月到禪床露間蟋蟀先秋響風外松杉當

暑涼時道滿城修伏社史記三代世表秦社不因鼓樂

去翺翔

晚涼移床

移床庭院敞颯雨楚臺風陌上炎氛歇樓頭夕照空
蟬聲絕高樹蛩響起深叢萬里滄波望直將星漢通

即事八月六日

布衫新浴後兀爾坐胡床滄海都雲氣青山半夕陽

七禪詩集

卷之三

恆菴藏

飛飛低倦鳥汎汎泊征檣明月佳期近稍看弦挂光
橘洲諸子俱見和辭皆可愛再礎為西州

深禪無所出庭院屢移床落日望天末秋風憶洛陽
何時旋杖鉢同去命帆檣衣綉非徒得還須惜二光

携諸子遊梯氏園亭得陽字

閑行纔一里地轉興還長負郭人聲絕對山秋氣涼
層崖蒼樹擁孤嶼白鷗翔座上無賓主吟詩到夕陽

又得烟字

萬里同為客情來此設筵幽尋曲徑際眺望滄波前
林鳥乘秋色山鐘度夕烟非徒羈旅思向雨足忘年

中秋席上書事

時給使戶田生唱歌輒采其辭

長空雲忽斷玉兔走滄波高會屬良夜殷勤一曲歌
十六夜與諸子看月

其二

孤月將深夕禪堂轉寂寥遙天低海面薄霧遠山腰
臨席輪光挂透衣金氣饒羈栖何所似螢火乍飄颻

翫月頗久薄寒將休橘兄進酒戲作

夜坐奈斯良同人勸一湯毘耶室內影未利盃中光

即是從容聖中庸從容中道聖本非沈湎狂已逢詩
得境何道醉成鄉醉鄉王績事

橘洲諸禪見和余梯氏亭作風流可嘉因再礎之

乘桴一從我詞賦每同筵勝託蒼顏外風流彩筆前
秋陽踈樹影晚吹颺茶烟好貯囊中草榮旋將及年

八月十九日夜夢得二句云浮漚觀世界淨影起樓臺
起樓臺覺而續之

海岸居孤絕心心水月開浮漚觀世界淨影起樓臺
諦本無真俗相何有去來東窓殘夜夢忽遇一鐘回

九日率爾書懷

青山四面近躡屐寧無能官迹人皆避令辰吾不登
鄉園望何及風景興誰乘坐對秋天霽曲欄愁自凭

九月十四夜偶作

昨夜他家宴留連厭酒壺今宵禪室興清靜對茶爐
譎浪非吾好嘔吟足自娛判將蘭若境偏愛月明孤

阿須別館見邀事詳余記

亭臺秋雨霽邀客主人情山樹千章合海天萬里明
金尊催鼓樂綺席敞軒楹自是昇平日那違緇素盟

阿須浦泛舟

北社詩草 卷之三 恒菴藏

亭下命扁舟，好携餘興遊。人家連樹外，鳥影起沙頭。
潮落溪難入，日低山更幽。碧灣仍舞棹，款乃去悠悠。

九月小盡將登東山止向後園賞菊

忽值三秋盡，強為一日寬。青山休躡屐，黃菊好憑欄。
節過幽芳滿，露凝佳色殘。悠然籬下趣，心遠此堪看。

心遠用淵明語

諸子皆和再次韻

看花皆有句，旅思暫能寬。叢彩為樊圃，盤飧共傍欄。
消中聽秋盡，客裡信年殘。故園東籬色，行將雨輩看。

後園賞菊歌

王徽住處每栽竹，郭泰宿時便掃庭。况我客居再經
歲，寧無物色宜窓櫺。春來屋後開町疇，乞得菊苗栽
寸莖。日照雨沾叢叢長，可憐時至發芳馨。二三子弟
皆好事，禪誦之暇頗營經。向披榛莽收茶笋，又把犁
鋤比園丁。九月海天秋正盡，黃花雜色映青冥。為我
洒掃設筵几，對花談笑慰頽齡。此物由来保晚節，穠
穠不怕巖霜零。露掇且追陶令賞，夕飡且擬楚臣醒。
何須送酒白衣至，自有雲芽滿瓦甌。

冬日登東山示詰朴二子

身世遙遙溟渤西，寒風是日暫提携。千重巖壑扶能

過萬樹松杉行欲迷不為勝情勞躡屐何逢佳境得

留題青山碧水會心處世說會心處不必在遠誰望天涯悲舊

溪

歸院會橘師策禪具厨帳見供仍用前韻贈之

時世說之講卒業申其意也

一自孤帆來海西為憐餅鉢每相携三冬祇道用文

足三冬文史足用出方朔傳百歲那論懷寶迷懷其寶而迷其邦出論語使命

元非方外事使命之戒出遺教經朋遊且共定餘題滿堂歡樂

堪陶寫正賴絲竹陶寫王右軍語不比門生歌武溪馬援南征作武溪深曲門

生吹笛歌之

滿山生見過晤語賦贈

寒風帶雨度山城剪燭談論到二更吾老只言須後

覺子出五爾才終見發先鳴傳出左已從魯國知男子孔

事誰向齊朝侍客卿孟子為齊客卿宣王曰得侍同朝甚喜自昔行藏

苦難適空餘一世陸沈情

小至橘洲諸禪設席見供因賦言意

山羞野膳一堂前遠客重開小至筵京洛明年為此

會却隨雲物望西天

冬至偶作

佳節暄風日開窓坐自寬虛羸還貶食衰朽轉畏寒

北魏詩集 卷之三 五

且遇陽初復聊忘歲已闌從茲添書漏功課更無難

早起偶作

五更堪倦枕且起下床頭遙海星千點寒空月一鉤
潮聲生浦淑山色暗城樓還向蒲團坐轉令萍跡幽
宿爐猶有火殘檠既無油稍稍窓櫺曙隣雞叫不休

十二月十一日夜夢在慈雲適岳松內親王

寄來一幘賜之披見一行大書曰梅開西海雪

既覺賦之

梅開西海雪萬里動年芳好添香外色更發色中香
十三日夜夢遇月仙人晤語次謂我曰師不

好畫梅否余笑曰非不好也只是難得耳上人

曰吾頃有所圖請以贈之懷出一幅披之山水

間一樹梅花的歷風致可愛俄然而覺因賦

故人懷致寒梅枝恍雨清香座上隨惆悵羅浮夢俄

覺用龍城錄所載趙師雄事空令落月屋頭移杜甫夢李白詩落月滿屋梁猶疑見

冬夜習梵

蓮漏華燈夜寂寥香雲裊裊起還消手持黃卷齊歌

頌半入天風半海潮

次韻詰子讀松雲集有感

何物猖狂起戰塵無端過絕二邦親欲修幣禮尋盟
舊仍取凶殘告政新俗諦偏勞度生手僧伽那厭應
緣身海城即是曾遊地能感風流有幾人

壬寅除夜同賦分一年將盡夜萬里未歸人為
韻得一字

荏苒歲云除寒宵只餘一且喜同遊人團藥方丈室

得萬字

紛亂百年間浮生任吹萬但令心境無不必事棲遁

癸卯元日

紺殿挑燈向五更一家禪誦賀新正峰頭列樹青猶

暗海上浮霞紅已明仙槎剛隨早潮起梵鐘時逐曉
雞鳴春來期滿三年客萬里風烟杯渡情

歲初內集得時字贈諸子

春雨連三日窓閑晝刻遲相迎少輪鞅共和似填麩
茗飲堪乘暇芳遊欲及時兩回花鳥興囊裡幾篇詩

春雪作二首

三冬不見雪華飄林岫忽驚皓一朝世說道壹話雪
云林岫便已皓
然巨耐海風徒自急無由六出得盈條

其二

新年已暖却淒淒蕭條連日掩禪栖遙思京洛春來

北禪詩集 卷之三
色何若海濱氣不齊

遊東山

遠客經三歲終將人事疎烟霞隨散逸山水入清虛
行帳茶唯在軟莎茵不如空林聽春鳥歸路重躊躇

時事有感

風塵底事枉生涯真是真非孰復知黃山谷句真是真非安在人間

北看遺艸應嘲玄尚白初衣寧道素成緇但令濁劫

心無濁何用危言行亦危人謂老來不解事楊脩書臣家子

雲老不解事且將山水待鍾期風吹林葉計

二月九日雨中內集適值上午憶稻荷社事因

及
零雨濛濛難霽紺園春轉幽烟花行未洽山茶坐堪遊

負稻神何在回船客欲休因思銕公車無意滯西州

覺銕上人因幹緣將赴西州稻荷神止之事詳本傳

偶見新巖賦示橘洲諸子

紫拳新出遠方天回首鄉山一悵然來歲春風南北

嶺相携共咏采薇篇

內集賦示諸禪時雨且霽

梵刹香烟隔比隣陰晴坐對海門春異鄉相愛同鄉

客今雨何來舊雨人杜集長安故人舊雨來今雨不來此言舊雨今雨俱無人來也

北禪詩集 卷之三 恒菴藏

二郡遊蹤違勝地對州二郡曰上縣下縣九州歸夢落遙津故

山到日過三徑正是千竿綠竹新春異嶽即安同嶽

登金毘羅祠後巖

獨倚荒臺夕日殘海城春色萬家寒桃花巖畔無人

到留與山僧停杖看首嶽山一射然來燕春思古北

上巳偶作與諸禪令和

桃花滿城色客裡復芳辰異俗它相媚同遊爾自親

青山含宿雨黃鳥報殘春禊事將何向遙思洛水濱

花後過萬松院

看花有意出門難不識到來春已闌寂寂山房新樹

路落英風起襲人寒

賞庭前櫻花

紺園春色兩回花遠客悠悠感物華即使浩然歸志

在浩然歸志不妨乘興且為家杜詩乘興即為家

又今茲與養源和

芳樹不曾定主人好花每每為誰新尋思去者將來

者來歲何心各見春

萬松院賞櫻花

山寺尋花花已遲猶看爛熳一株枝春風不負幽人

意杖屨盤桓西日移

又

青山寂歷雨晴初一樹嫣然傍淨居聽取嚶嚶求友鳥遠人未可嘆歸歟

三月小盡過戶田生

鄉心忻日近朋會惜春殘園樹芳都盡林鶯曲已闌青蘿長石壁綠葉深烟巒異域風光別賈島三月晦日詩風光別我苦相逢也罄歡吟身苦相逢也罄歡

諸子乞南岳院園採茶

新萌追暖長采采向山幽露過攀枝上風含負筥頭茶經筥負以採茶芬芳旋出焙清冷正盈甌也道東歸日飲

之話舊遊

明月編成偶作書卷尾

紺園稀客掩烟蘿官况那妨禪况多大海觀成薩婆若孤山坐似補陀羅溪間日落樵人步浦上風閑舟子歌眼底悠然今與古白雲明月竟如何

四月十九日擬浣花宴滿山生亦至今韻得東字

禪居坐似草堂中也道為隣錦里同杜詩錦里先生鳥角巾謂南鄰

朱山人也滿山壁上綠蘿生故蔓塔前翠竹長新叢

佳期舊識無今雨蜀中浣花日未見有雨高調相逢

北極詩集 卷之三 恒菴藏

有古風此日遨遊歡不罄斯須巾舄作西東劉商與詩中舄同時下翠微

詣以酹舊苑禮開山塔

三歲追蹤跡幾回問古基林空禽鳥響路險杖藜遲
祇樹徒迎客給園更待誰殷勤無縫塔萬里此長辭

太神宅重別諸子

相逢相值復何逢萬里海山思幾重自是風流爾曹
在大玄亭上認萍蹤

舟中別橘洲

萬里樓船指帝京如何心事負同盟三年羈旅朝昏

望一日回帆去住情華髮生歸尋舊社緋袍留別滯
孤城不令滄海遺珠在收拾待看衣內明

一岐舟中即事

東去纔臻此朝昏孤島傍舟居徒泛泛鄉思轉茫茫
五兩風吹逆三竿日出長松杉望舊壘壘趾俗稱一

夜城蓋伐朝鮮時急築之云鐘磬聞禪房勝槩慵攜杖頽齡嗜卧

床由来觀旅泊楞嚴經三身世本無方

夜聞笛作

寂歷山頭織月明誰家吹笛一聲聲歸舟十日猶留
滯回首蓬窓萬里情

下關遊網氏新居

赤馬關頭遠客歸誰將紫氣認三衣為憐新築逢迎處繫得扁舟到落暉

泊三田尻

水村山郭望相連文字關東正繫船不是陶朱名遂退蓬窓還傍白鷗眠

舟中即事

海路西東遠津關上下通新圖開兩岸明鏡泛孤蓬昔往雖無異今來似不同况當歸志浩颯雨御長風

巖島繫舟

繫舟巖島下巖島未能行連日難風便歸人倦海程窓中且山影枕上只濤聲忽見青松際群遊野鹿情讚岐舟中時從者皆詣金毘羅祠

屏風浦外繫扁舟人去象頭山上遊獨倚蓬窓何所

見芙蓉一片望悠悠

地有一山孤立形似富士名爲小富士

風雨泊小豆島

歸程看漸近島口滯扁舟暴雨鳴蓬屋狂風嘯柁樓海天都漠漠客思轉悠悠落日開窓見水禽亦不浮宿見性寺贈舜道上人

萬里三年別相逢一笑開尋盟邊杖錫扶病上香臺

中夜巖陰靜上方鐘響來安禪十笏內已作故山回
七月三日舟入安治河

孤棹西從天外歸秋風此日入邦畿青山不作新知
面碧荔能忘舊隱衣非復塞鴻為客去何曾海鳥背
人飛難波江口千帆泊誰向浮生說息機

中秋同諸子賦得一東

佳期天際月久客正歸東只見松間影不聞海上風
流光思昨異栖息喜今同邂逅茲何夕吟詩對碧空
九月十三夜書懷是日移住大光明寺

白髮枯禪著處幽寒蛩唧唧響香樓佳期待月秋將

老深院籠雲晚自愁北塔淒涼往時迹先師曾以西
溟迢遞去年遊去歲在對馬是回思舊事都成夢獨
坐青燈一榻頭

冬日携詰子遊舊院策禪亦來會同賦

空門深自鎖冷淡老生涯物我聊關世松筠且占家
紅紛經雨葉綠汎汲泉茶年少相追至欵談送日斜

雪朝即事

昨夜寒風惡曉來紛雪華唯看瓦上素未著枝頭花
片片侵堦散飄飄遶院斜林園一蕭颯忽憶海西涯
春初發對馬信次走筆簡橘汝二師

憶君遙在海溟濱，萬里東西歲又新。花鳥空遠同社，客雲霞猶認異鄉春。只聞鶯語來求友，且得鴻音去寄人。此地紛紛亦多事，何堪白髮苦風塵。

貧樂齋同諸子賦得齋字

古刹移居處尚將，貧樂題簞瓢思陋巷。松竹愜禪栖，只有支郎遇曾無。俗客携春泉一甌，茗並坐賦詩齊。

春初與維明天真遊鷹峰空中菴茶人空中所曾居也今為

小鳥某有

萬竿脩竹一溪濱，乘興元非問主人。地自空中跡可覓，維摩經是身跡客皆方外遊。相因莊子遊之外日臨遙水

練光動春入重巒，黛色新更掩幽窓。點濃茗不知世上有風塵。

春日訪養花魯公耕月和尚來會有佳供即事

贈魯公耕月和尚歲九十猶爾身堅神爽

老去每嫌人事加，但將幽興向君家。滄池晴泛雙雙鳥，翠壁春開朵朵花。室設清齋供野蕪，泉盈新甃試雲芽。時新鑿井其泉殊清座中更有期頤客，不倦談論到落霞。

與默洲上人邂逅長得院席上叙懷

舟楫西溟外，鉢盂南海傍。何圖白髮影，復接明珠光。別恨追它日，交情會舊房。非勞千里駕，誰共得徜徉。

席上次默洲上人韻

雙林尋舊社肆席且遨遊躑躅紅相映琅玕翠自幽
應緣同屈蠖忘世比浮鷗九夏安居近袈裟好此留

仲秋訪六如上人口號叙事

西顯偶乘興襟期喜不空清高吟咏外盛饌吐嗟中
步月過靈時尋花到梵宮贈君斑竹杖更向赤山同

墨梅

誰移庾嶺色玉蕊滿枝新風前飛片片坐覺暗香生

秋日赴鹿苑寺

百百橋西向繖山行行稍覺出塵寰蒼苔路下溪流

曲落木秋寒村巷間青菜滿畦思老圃白雲隨杖到
禪關偶然且共禽魚樂嘎嘎時看過碧灣

和龍門尊者病中九日韻

黃花幾處屬三秋歲歲催人自白頭且使越吟傳舊
好那從陶徑負曾遊不關佳節莫盃滿可忍空山蕙
帳幽更道東林日寥落尋盟同社有心不

小至夕詰子寮為我設供會拾沙彌具櫛饋詰
亦為有受業故也因用充膳策禪亦至漫賦示

二子

深交同道處嘉會復陽時茗熟爐中火梅開瓶裡枝

業非傳不習學豈好為師休謂借花獻幽齋固有期
題神泉苑

一水荒涼城曲開曾聞禁苑擬靈臺鳧鷖衆在晴鳩
下紱冕人亡野客來龍雨猶知施帝澤鷁舟無復試
賢才千秋文物今何在唯見門前訟獄回

從我於馬島者二三法侶皆及門無恙欲設薄
主人燕集以叙契濶以敦舊好阻擾不果既歷
半歲一日掃後堂具槃食盞簪交驩分韻得連

字聊寫幽懷

禪悅雖無給相迎且設筵海雲愁契濶山月喜留連

世閱悲歡日人忘老少年追思西島事此會實堪憐

春日出城北二首

郊坳偶乘暖孤杖鴨河濱何處梅花發香風乍襲人
藹藹春山色泠泠春水流過橋入村巷鶯啼樹竹幽
與頂珠惠恩二上人紫竹看梅次遊鷹峰空中

菴

行過舟岡與繖山逶迤紫野樹林間梅園幾處堪停
杖竹逕尋時已到關猶有芳香携滿袖更教蒼翠對
怡顏殷勤此會宜清賞莫厭郊坳向夜還

春雨訪人題設

山路愁風雨懷人故故來孤筇涉泥濘雙屐破莓苔
谷鳥籠雲轉巖花裛露開柴門偶有客草徑曾無媒
野菜宜時物溪茶當臘醅不知遲日影坐到暮鐘催
訪龍安魯公携遊大珠院即事叙懷屬院主湛
然歸省熊野不在因及
春日融融一水平喜君邂逅借房迎蒼松臨岸亭亭
影彩羽投波戛戛聲是處雲林耐遺世何時巖穴得
終生所思更在三山遠幽谷偏憐求友鳴

三日即事

竹房人散坐春晴佳節誰知幽賞情點點飛花碧苔

上還看新蕊在枝明

與富春和尚見邀集林光院謝主人三甫上人

院久荒廢及三甫之領住輪奐一新庭下鶯宿梅正開因邀成讌

追憶舊遊三十年林光此日復開筵孤根尚有梅花
發佳色恰教黃鳥遷好是經營勞改作論語出移將
種植愜幽偏半晴半雨長春晝樂事逍遙白髮前

遊糾林即事有懷昔遊

百年福性愛林丘杖屨乘閑古時頭碧樹境閑啼鳥
響蒼苔溪邃落花浮潺潺一道春流淨鬱鬱千章午
影幽衰朽自憐猶雨在每因風景憶曾遊

諸子醵會臨後園供給

滿院蕪菁發，開軒供夕食。嫩黃宜日映，鮮綠長春殘。
看取陽和遍，好看容衰朽。寬爾曹不努力，徒使歲華闌。
玉龍菴見邀看花

櫻花幾處半成空，一樹獨開深院中。日暮春風寂不
動，未容片片向西東。

山路見花

谷口何花入眼新，烟霞落日自停人。滿城桃李爭相
賞，誰識空山一段春。

示伊勢富文娘

小小却嫌脂粉粧，清閑來問杼山房。不同天女將花
染，皎然贈女道士李季蘭詩：多爾風流藻思長。
受帖日借南禪牧護院，為更衣所開軒臨眺偶

咏

平昔愛丘壑，暫時忻不孤。池澄碧泉落，庭淨綠莎敷。
山日叢間照，林鶯靄裡呼。老來隨世諦，猶得白雲俱。
四月十九日鷹峰空中庵擬遨頭宴得回字
遨頭何處擬草閣，一溪隈綠長檐前。樹青添逕上苔
清時無路梗，杜詩：世路雖多漫興有詩，催良會年年
約，吾生更幾回。

又得樵字

佳期携少長，物外此逍遙。山勢當軒竦，溪聲隔竹饒。
濃陰留倦鳥，落日送歸樵。也道濠梁樂，那勞同見招。

杜詩濠梁同見招

始過絕同上人房，幽閒清雅加以佳。供席上即事贈之。

一路經靈時，行行深且深。避人唯雨在，微我復誰尋。
跡比樵蘇樂，坐忘賓主心。蒼苔侵故砌，綠葉長新陰。
啼鳥過幽谷，嘶蟬響茂林。殷勤為倒屣，瀟灑俱開襟。
何料伊蒲給，還逢般若斟。村翁助佳設，山衲動閑吟。

脩若詩中興，颯然徽外音。却披青草徑，引上碧松岑。
鴨水通江海，駒山倚古今。郊原遙渺渺，祠廟近森森。
栖隱有如此，塵勞那可任。禪流豈隨駕，唐盧藏用故事俗士且投簪。
巖穴謀將構，左思詩巖穴無結構圍內可設座。
丘園羨所欽，相留言日永。不覺欲西沈。

送維宣和尚遊大和三首

小暗湖南百里長，薰風四月雨衫涼。殷勤欲問前朝事，唯有笠山臨夕陽。

其二

東西大寺鎮千秋，此日因君思昔遊。客况鶻啼烟外

樹夢餘鐘動，月中樓。

其三

五十標位上談岑，上界洗空塵土心。君自文中多雅

思，淵才雅思文解言山水有清音。左思詩非必與

屋後治園偶作

吾園雖不廣，日涉趣還多。橋架通幽處，林披入曲阿。

微風含密葉，初月射疎柯。頗比褒斜谷，時扶杖子過。

賦得池風泛早涼

雨歇池塘步，清涼始覺秋。炎雲影已散，素月光還浮。

蘋末連漪動，荷間沆瀣流。未聞搖落響，蕭颯在林頭。

十六夜後軒迎月即事示諸禪

禪室會朋處，祇林待月時。鉢盛衡嶽芋，盤剥鄴城羹。

猶喜雲間影，未違望後期。東遊行在近，遙夜定相思。

六如上人新住柏原成菩提院見來告別賦此

奉贈二首

聞說成菩提，道場新迎宗匠好開張。三衣此日湖山

色不似紅塵紫陌傍。上人居洛東

其二

柏原路轉梵王宮，余亦籃輿近向東。只尺不能入，初

地回頭惆悵暮鐘中。

王子猷訪戴圖

四山兼月淨一棹興何孤借問剡中客時彈白雪無

其二

王子猷雪夜訪戴逵

雪夜訪戴逵

王子猷雪夜訪戴逵

王子猷雪夜訪戴逵

王子猷雪夜訪戴逵

北禪詩草卷之三

